



ALLAHYARHAM

SYED ALWI

Bekas Datuk Ombi Lembaga Adat meninggal dunia

JELEBU, 14 Jan. — Bekas Datuk Ombi Lembaga Adat Yang Kelapan, Syed Alwi bin Syed Idrus telah meninggal dunia secara mengejut setelah diserang penyakit jantung di hospital daerah di sini kira-kira jam 3 pagi tadi.

Syed Alwi, 60, merupakan seorang tokoh adat telah memegang jawatan tersebut sejak lebih 30 tahun.

Allahyarham adalah salah seorang daripada tujuh orang Datuk Lembaga terkemuka yang turut terlibat di dalam krisis perlantikan Undang Luak pada 4 Februari tahun lalu.

Mereka telah keluar dari balai istiadat perlantikan itu sebagai apa yang dikatakan membantah keputusan yang berlaku itu dan dengan itu juga mereka termasuk Allahyarham dengan sendirinya dianggap telah terpecat.

Menurut keluarga Allahyarham, Allahyarham pada mulanya terasa sesak dan sakit dada.

Allahyarham pernah berkhidmat sebagai penghantar notis dan bersara kira-kira lima tahun lalu.

Ramai Datuk Lembaga Adat dan waris berkeajaan telah menziarahi jenazahnya. Menteri Besar Negeri Sembilan, Datuk Rais Yatim turut sama menziarah.

Jenazahnya dikebumikan di tanah perkuburan di situ hari ini.